

բողկացած է 30 տնից 194 շնչով, որի 106-ը արական է և 88-ը իգական: Գիւղի դիրքը գեղեցիկ է և պճնազարդ. ընկած է միմեանցից շարքով հեռու կանգնած սարերի մէջտեղում և բողկացած է երկու մասերի՝ վերի և ցածի. տները վերի մասում փռւած են կողք-կողքի. իսկ ցածում միմեանցից հեռու են ընկած, որ ընդհանրապէս մի յարկանի են: Օգը սքանչելի է, աղբիւրի ջրերը անուշ և լաւ, մի գեղեցիկ տեսարան է ներկայացնում, Գիւղի հիմք գցողները եկած են հայաբնակ Նամակերտ գիւղից 60 տարի առաջ. պարապում են գլխաւորապէս հողագործութեամբ. արտերը փռւած են գիւղին կից, արեւելեան կողմը, որ զարգարւած են ուռենիների և բարդիների տնկարաններով և մեծ մասամբ ջրովի են: Օգտւում են մի աղբիւրի ջրից. դա մի ջրաղաչափ ջուր է արտադրում, որ բղխում է սարի փէշից և ոլորապտոյտ հոսելով՝ կազմում է մի փոքրիկ առու և անցնում Դրախտակի միջով:

Գիւղացիները հողագուրկ են. երկու տուն միայն հող ունեն: Այդտեղ հող ունեն հետեւեալ անձնաւորութիւնները. — Կարապետ Բամբանեան, Կարապետ Յովսէփեան, Կարապետ Տէր Յովհաննիսեան, Հաջի աղա ու Հաջի Խօսրով խաները: Հողագուրկները վարում են սրանց հողերը և բերքի $\frac{1}{3}$ մասը տալիս նրանց. բացի այդ՝ Հաճի աղա ու Հաճի Խօսրով խաներին, իբրև պետական հարկ, տարեկան վճարում են.

Մարգագուլուխ	2 զոան.	Զորս ոչխարին	2 զոան.
Կովին	2 >	էշին	2 >

Գիւղն ունի մի եկեղեցի՝ Ս. Ատովմ, որին կից գրտնւում է դպրոցանման շէնքը, որը զուրկ է թէ նիւթական և թէ ուսումնական միջոցներից: Գիւղացիք մեծամասնութեամբ անգրագէտ են:

Ծիշդ է, Դրախտակի դաշտն աչքի է ընկնում իր բերրի.

* Ցանկալի է, որ վերը յիշած երեք հայ հողատէրերը միացեալ ոյժերով նպատէին այս դպրոցի կանոնաւոր զարգացման և փոքրիկ՝ բայց օրինակելի մի դպրոց զարմնէին ամբողջ Փէրիս գաւառի մէջ: Ս. Ե.